

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhouth
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

E districto Savaneta: E capital prome cu Oranjestad

Prome cu Oranjestad a bira e nacion isla su capital, Aruba su prome capital tabata e districto di Savaneta. Aki ta unda e identidad cultural di Aruba a nace, y for di unda e resto di e isla a desaroya y converti den loke e ta awe.

Ta bisa cu Savaneta ta e prome luga unda e habitantenan Caquetio prome a trapa tera na e isla. Aunke no tin evidencia concreto pa sostene esaki, considerando e leyenda di Cacique Arua, ta kere cu ya caba tabatin movicion na Aruba - y Savaneta - alrededor di 88 AD.

E Caquetionan probablemente a yega e isla for di Venezuela, Colombia of otro islanan Caribense den e region, pero cu bon tempo e tabata relativamente facil pa nan bay y bin den nan canoa. Pues, desde cu e Caquetionan a descubri Aruba, Aruba a haya su prome forma di civilisacion.

Te cu 1499 Aruba a conoce otro grupo di hende cu a trapa tera na e isla: E explorador Spaño Alonso de Ojeda. De Ojeda prome a ripara Aruba cerca di e costa di Venezuela durante su exploracion di e pais Latinoamericano. Esaki ta dia 9 di augustus 1499. Sinembargo, De Ojeda no a nabega bin e isla te cu dia 23 di augustus 1499. Esaki a marca e comienso di e era Spaño na Aruba, for di 1499 pa 1636.

Alonso usualmente no tabata stop na cada isla cu e mira, specialmente no den Caribe. Hopi biaha e tabata mira tera for di leu y sigui nabega, Sinembargo, Aruba tabata un excepcion. El a tende cu tabatin mata di e tipo "que-



bracho" riba e isla, cual tabata usa comunmente pa produci pintura of tint. Sinembargo mirando cu e no por a haya e matanan aki na Savaneta, el a sigui explora den e area cu awo ta conoci como Santa Cruz. E miho manera pa transporta e mata tabata via un ruta cu ta pasa door di Savaneta, pues e prome caya entre Santa Cruz y Savaneta a keda crea.

Era colonial Hulandes (1636-1805)

Durante e guera di 80 aña entre Hulanda y Spaña, exploradornan Hulandes y bendedornan a cuminsa biaha pa e islanan ABC. Na momento cu nan a yega Aruba, nan a deporta e comunidad chikito di Arawak y Spaño cu tabata bibando riba e isla. Esaki tabata e comienso di e colonisacion di e islanan ABC di parti di e imperio Hulandes. Alrededor di e mesun tempo, West Indian Company (WIC)



a nace. Boneiro y Corsou tabata usa mas tanto pa plantacion, unda e Hulandesnan a transporta catibo for di Africa. Aruba, di otro banda, tabata usa mas tanto pa criadero y fabrica. E Hulandesnan hopi biaha a obliga e comunidad Indigena traha pa nan. Den 1936, ora cu Hulanda a gana e guera contra Spaña, e pais a entrega e islanan na Hulanda.

E administracion Hulandes a nombra e prome comandante, un homber Irlandes yama N. Williams. Pa motibo cu e Hulandesnan tabata interesa den otro islanan Caribense y otro paisnan den Sur America, nan a importa negociantenan y bendedornan Hulandes, tur kende a biba na Savaneta. Di e forma aki, Savaneta oficialmente a bira e isla su prome capital.

Sinembargo pa fin di e siglo 18, e comandante di e tempo aki J.R. Lauffer, a move su oficina na loke awo ta "Horse Bay" na Oranjestad. Pa motibo cu e oficina mas halto riba e isla a bay for di Savaneta, e capital a perde su titulo na loke e tempo ey tabata yama

Playa.

Con Savaneta a haya su nomber
E nomber Savaneta probablemente tin un Origen Spaño. Ta bisa cu ora cu e Spañonan a subi un sero yama Yara, nan a mira cu e area tabata mas tanto habri y no tabatin mata grandi. Den Spaño, asina un area ta yama un "sabana."

A causa di su superficie, Savaneta tabata un bon sitio pa construi cunucu. For di aki, e cultura di cunukero a cuminsa. Prome cu Aruban Gold Rush y e construccion di Refineria na San Nicolas, mayoria residente tabata cunukero, y Savaneta tabatin varios habitante cu a cultiva fruta y berdura. Tambe nan a sigui e tradicion di cria bestia manera carne, baca, cabay y porco, entre otro.

Savaneta tabata un di e prome sitionan na e isla cu tabatin un cultura di cunukero general. For di e cultura aki, varios otro tradicion a nace manera e anteriormente celebra Dia di Dera Gay.

